

Inzko pred Vijećem sigurnosti UN-a



Visoki predstavnik Valentin Inzko obratio se danas Vijeću sigurnosti Ujedinjenih nacija i podnio 55. izvještaj generalnom sekretaru UN-a o stanju provedbe mira u Bosni i Hercegovini. Izvještaj pokriva period od 16. oktobra 2018. do 15. aprila 2019. godine, saopštili su iz OHR-a.

“Čak i nekoliko dana prije smrti Ahsdown se zalagao za zemlju u kojoj vlada multilateralizam. Sada, sedam mjeseci nakon izbora postupak koalicija i izgradnje Vlade utiče na dinamiku situacije u BiH. RS i neki kantoni su brzo formirali vlade, nažalost nije uspostavljeno novo VM i Vlada FBiH. Koliko sam čuo od ključnih političkih igrača, međunarodna zajednica očekuje da se novo VM što prije formira”, kazao je Inzko.

Istakao je da je pred BiH težak izazov, te govorio o potezima Milorada Dodika.

“Ovo se vidjelo i u februaru kada je VM finaliziralo Upitnik i dostavilo ga komisiji, a u martu je predsjedavajući Dodik lično dostavio odgovore. Bez obzira na političke prednosti i dalje vidimo neku čudnu retoriku. Ovo je teški izazov za BiH. Predsjedavajući Dodik je pokušao uspostaviti dogovor o važnim pitanjima, ali i dalje govori protiv države i prijeti otcjepljenjem RS i tvrdi da RS jeste država. Nedavno je rekao čak da su već odvojeni. Rekao je i da ako Kosovo postane država, RS će proglasiti nezavisnot. Nekoliko puta je pokazao mapu Srbije u koju je uključio dijelove Srbije i Crne Gore. Molim vas da razmislite kako biste reagovali u vašim zemljama ukoliko bi neko rekao da je samostalan u vašoj državi”.

“Vjerujem da trebamo se odvratiti od ovih negativnih trendova. Osim separatističkih izjava, hrvatski predstavnici odbacuju određene presude i pozivaju na formiranje neke para-države. Odbacuju i presude MKSJ koje je formiralo ovo tijelo 1993. Glavna bošnjačka partija je također najavila da će pokrenuti inicijativu za preispitivanje imena RS”, poručio je.

Inzko je govorio i o najavam formiranja rezervnog sastava policije u RS.

“Ustav BiH kaže da država BiH se sastoji od dva entiteta: FBiH i RS. Međunarodna zajednica je i dalje posvećena teritorijalnom integritetu i strukturi ove države. Zahvaljujući Macronu i Merkel, koji su organizovali novi sastanak u Berlinu”.

“Moram sa zadovoljstvom reći da gospodin Vučić i dalje pokazuje poštovanje za BiH. Još jedno pitanje koje se pojavilo je mogućnost rezervnog sastava policije, skupština je donijela Zakon kojim je omogućila stvaranje

rezervnog sastava i kažu da je to odgovor na izazove javne sigurnosti. Neki to stvaraju da je to stvaranje dodatne vojne sile, naročito su zabrinuti u FBiH i rekli su da bi uradili isto. Rezervni sastav neki doživljavaju kao pripremu za vojsku u RS. Entitet koji je krenuo jednostranim koracima ne doprinosi stvaranju mira a u BiH, naprotiv. S ovom dinamikom može doprinijeti nestabilizaciji države. BiH treba manje oružja i manje onih u policijskim uniformama”.

Date: 08-05-2019